
Fra: Helene Moe <Helene.Moe@vlfk.no>
Sendt: tirsdag 13. oktober 2020 11:00
Til: Postmottak Alver
Kopi: Bente Kopperdal Hervik; Karoline Hareide Breivik
Emne: Kulturminnefagleg fråsegn - rivesøknad gnr. 490 bnr. 2 Hole, Alver kommune

Dykkar referanse: 20/13445 - 20/61493
Vår referanse: 2020/50347

Viser til dykkar oversending av dispensasjonssøknad for gbnr 490/2 Hole, og til tilleggsopplysningar innsendt 30.09. 2010. Seksjon for kulturarv har vurdert saka som regionalt kulturminnemynde.

Det vert i tilleggsopplysningane opplyst at det aktuelle bygget er ei typisk leirstove, truleg oppført i 1905, men med tømmer i stova som kan vere eldre. Bygningen er plassert i verneklasse C i kulturminneplanen for Radøy kommune. I kommuneplanen for Radøy står det at kommunen kan gje løyve til å rive/fjerne kulturminne i verneklasse C på vilkår om at kulturminnet vert dokumentert. Kommunen si kulturavdeling vurderer at tilstanden på denne bygningen gjer at det vil vere kostnadskrevjande å setja han i stand slik han står no, og at det føreslegne tiltaket med å byggje oppatt bygningen på dei gamle murane, ta vare på mest mogleg av dei gamle laftkassane og gjenbruk av takskiferen er ei god løysing. Vidare ber kulturavdelinga om at bygningen vert dokumentert før riving.

Då leirstover reint generelt er ein bustadtype som har høg kulturminneverdi, og mange av dei er i ferd med å forsvinne, er det viktig at kommunen ber om dokumentasjon av bygningen ved eit eventuelt riveløyve. Det er positivt at søker ønskjer å byggje oppatt bygningen på dei gamle murane og å ta vare på mest mogeleg av laftkasser og takteking. Det er viktig at kommunen har dialog med søker for å komme fram til best mogeleg løysingar med omsyn til å ta vare på og vidareføre dimensjonar og utsjånad til den opphavlege bygningen, for å motverke ei forringing av bygningsmiljø og kulturlandskap.

Venleg helsing

Helene Moe
seniorrådgjevar

seksjon for kulturarv
avdeling for kultur, idrett og inkludering



tlf: 48 99 39 22
www.vestlandfylke.no